

Sib Txuas Lus Hauv Online

Lub 11 hlis tim 16, 2020

Kev pab npaj kom kev sib tham ntawm niam txiv thiab naikhu mus tau zoo.

Txog lub caij Niam Txiv thiab Naikhu Sib Tham rau peb lawm: lub 11 hlis 16-23, 2020. Cov naikhu qhia virtual siv zog npaj rau qhov kev sib tham ntawm menyuam/niam txiv/thiab naikhu rau lub Fall no. Thov mus sau npe teem koj lub sijhawm ntawm Microsoft Bookings. Cov lus qhia txog qhov kev sau npe teem sijhawm no koj tus menyuam tus naikhu twb xa rau koj lawm. Yog koj muaj lus nug, hu rau koj tus menyuam tus naikhu lossis cov naikhu.

Peb npaj yuav ntsib nrog niam txiv hauv online (virtually) los tham txog tej kev uas ua kom xyoo no mus tau zoo rau peb cov tub ntxhais kawm. Peb muaj ntau yam npaj qhia rau nej, thiab npaj hnov txog tias nyob rau hauv tsev ho zoo licas thiab. Peb muaj cov ntsiab lus tseem ceeb peb xav qhia txog pab rau nej npaj rau kev sib tham nrog naikhu.

Ua Ntej Sib Tham

- Nug koj tus menyuam saib nws xav nrog naikhu tham txog dabtsi.
- Nug saib nws xav tias naikhu yuav hais licas.
- Nug txog tej yam nws nyiam thiab tsis nyiam, nrog rau yam nws ua tau zoo thiab nyuaj rau nws.

Thaum Sib Tham

- Qhia txog tej yam koj pom tias zoo rau koj tus menyuam ntawm kev kawm hauv online (virtual).
- Qhia txog kev nyuaj siab thiab txhawj es tus naikhu thiaj paub pab koj txog tej no.
- Siv qhov kev sib tham no los kawm ntxiv txog yuav pab koj tus menyuam kev kawm hauv online licas thiaj zoo.

Tom Qab Kev Sib Tham

- Tham nrog koj tus menyuam txog tej yam zoo uas naikhu qhia rau koj thiab tej kev rau siab thiab kev koom tes uas naikhu pom ntawm koj tus menyuam.
- Txhawb koj tus menyuam cov hom phiaj nrog rau cov kev koj pab txhawb tau rau cov hom phiam ntawv.
- Nco ntsoov txuas lus nrog tus naikhu yog muaj lus nug lossis kev txhawj xeeb ntxiv.

Kev niam txiv thiab naikhu sib tham yog qhov chaw zoo rau niam txiv thiab naikhu sib qhia txog kev kawm tseem ceeb ntawm tus tub ntxhais kawm qhov kev kawm. Qhov kev zoo no yog kev sib txuas lus ntawm ob tog. Los ntawm kev sib pauv lus, thiab ua haujlwm uake, niam txiv thiab naikhu ua tau ib qhov chaw pib kom xyoo kawm ntawv no mus tau zoo.

Ua tsaug rau koj kev txhawb thiab kev sib txuas lus ntawm qhov peb qhov kev kawm hauv online (virtual) loj hlob ntxiv. Thov hu kuv ntawm 715-852-3070 lossis email ntawm lschlichting@ecasd.us yog muaj lus nug los kev txhawj.

Koom tes nrog koj,

Laura Schlichting, Tus Thawj Ntawm Kev Kawm Hauv Online (Virtual) Qib K-5

Eau Claire Cheeb Tsam Tsev Kawm Ntawv

Muaj Rau Tom Ntej No

Fri., Nov. 20

Mus nqa ntaub ntawv tom menyuam lub tsev kawm ntawv

Tue., Nov. 24-Sun., Nov. 29

Phav Thanksgiving, tsis muaj kawm ntawv